

Samningur milli Háskóla Íslands og Heilbrigðis- og tryggingamálaráðuneytisins, Landlæknisembættisins Landspítala – háskólasjúkrahúss og Lyfjastofnunar

Háskóli Íslands, kt. 600169-2039 og heilbrigðis- og tryggingamálaráðuneytið, kt. 600169-6109, Landlæknisembættið, kt. 710169-5009, Landspítali – háskólasjúkrahús, kt. 5003002130 og Lyfjastofnun, kt. 670900-2740, gera með sér samstarfssamning vegna stofnunar Rannsóknastofnunar um lyfjamál við HÍ. Samningur þessi er til þriggja ára.

1. gr.

Heilbrigðis- og tryggingamálaráðuneytið (hér eftir nefnt HTR), Landlæknisembættið, Landspítali – háskólasjúkrahús (hér eftir nefnt LSH) og Lyfjastofnun teljast stofnaðilar að Rannsóknastofnun um lyfjamál (hér eftir nefnt RUL) og eiga hver um sig einn fulltrúa í stjórn.

2. gr.

Meginmarkmið RUL er að auka rannsóknir og fræðslu um lyfjamál á Íslandi og alþjóðlega. RUL er ætlað að vera víðtækur vettvangur rannsókna á sviði lyfjamála, einkum öllu því er lýtur að skynsamlegri lyfjanotkun, lyfjafaraldsfræði og lyfjahagfræði. Markmið stofnunarinnar er jafnframt að miðla vísindalegri þekkingu um stefnumörkun og stjórnun lyfja og laða fræðimenn til starfa á þessu sviði.

Starfsemin verður þríþætt:

- a) Rannsóknir og úttektir á lyfjastefnu.
- b) Þjónustuverkefni á sviði lyfjamála fyrir samstarfsaðila og aðra.
- c) Símenntun á sviði lyfjamála.

3. gr.

Landlæknisembættið, HTR, LSH og Lyfjastofnun skuldbinda sig til þess að leggja til stofnfjármagn til RUL í þrjú ár að upphæð 525 þúsund krónur hvert á ári frá og með árinu 2007. RUL gerir HTR, Landlæknisembættinu, LSH og Lyfjastofnun reikning fyrir þeirri upphæð í maí ár hvert.

4. gr.


Allar breytingar á ákvæðum samnings þessa skulu aðilar gera skriflega. Telji samningasaðili að forsendur samningsins hafi breyst getur hann farið fram á viðræður um endurskoðun á einstaka ákvæðum samningsins. Samningurinn er uppsegjanlegur af beggja hálfu með a.m.k. þriggja mánaða fyrirvara. Uppsögn skal vera skrifleg.

5. gr.

Samningur þessi, sem er gerður til þriggja ára, öðlast gildi hinn 25. apríl 2007. Premur mánuðum fyrir lok samningstímabilsins skal árangur af starfi RUL hafa verið metinn og skulu samningasaðilar og RUL þá ákveða sameiginlega hvort samningurinn skuli endurnýjaður.


Reykjavík, 25. apríl 2007

F.h. Háskóla Íslands




Kristín Ingólfssdóttir
rektor Háskóla Íslands

F.h. heilbrigðis- og tryggingamálaráðuneytisins,
Landlæknisembættisins, Landspítala –
háskólasjúkrahúss og Lyfjastofnunar



Sív Friðleifsdóttir
heilbrigðis- og tryggingamálaráðherra



BLÍS Ólafsdóttir